

1 1-8 Nsihi âimihuraari Autaahaatihó
yámihapatuní yápipatuní áhaintantaihi
káhapaamipípa nopisasinatí áhontâisê. Áhotihí
Autaahaatihomí Itipíhó kâiwaamí autaahi ntáayatâisê.
Iyataatí nahataapípihi asíhatamatâisê. (a) Asíhata-
masihí Autaahaatihó sântâasê sáasanetáne tihí
sáasanentâisê. Sáasanetihí Autaahaatihó
ímonatatí nkaatihí ótapíháate tá ampíhintâasê.
Iyatí asíhatintíhantí yántíhi ápatíhe tá
ampíhintâasê. Iyatí kâihí asísíhá nsíhá noaipá-
tâisê. (b) Aihí Autaahaatihó sântâasê waapóhó
natapaatatí wo autaahi niyoníhi wo yatíhi notí
nimantáne ntâasê. Tihí kíyatí noaipatâisê. Aihí
waapóhó tipítapaatimpípihapí yámihapáte tá ampíhin-
tâasê. Aihí síyatí kâihí asísíhá kápihá sánauso-
tâisê.

9-10 Aihí Autaahaatihó sântâasê yápipatí kápi

(a) 2 Korin 4:6 (b) 2 Pita 3:5

kápihi noaipatí ikwáatipítitántí waapóhó oníhitatí
nimantáne ntâasê. Tihí kíyatí ámi noaipatâisê.
Waapóhó sô oníhitatí notí nimainsíhopí ntúríhíre tá
ampíhintâasê.

11-13 Autaahaatíhó kântâasê iríwiríhó kitaríhirí
woyíhá kápa kápa noaipané tihí noaipatí
nkímunyâinsípípa yântípíhó ninkotí tuwahantuwatí
ámi kíyatí nutatâisê. Sâiwa asísíhá kápíhehí
noaipatâisê.

14-19 Aihí Autaahaatíhó ámi sântâasê ipíhó
waatíhó kâumpwâatí noaipáne tihí ámi títíhí kámwaa-
ngí noaipatâisê. Ipihó ótapíhaatí ipítítántí
áhiyatí waatíhó kâumpwâatí ápatíhí nausaatítántí
áhiyatâisê. Iyatí sâiwa asísíhá waatíhó kinaunkwí-
haapí nkwinýaitaatíwí áhiyatâisê. Aihí síyatí
kâihí asísíhá kápihá sánausotâisê.

20-23 Autaahaatíhó sântâasê aráihó napopíhó
nahataapá waapíhâatetapíhapá noaipáne tihí noai-
patâisê. Iyatí kôhó autaahi ntâitántíhopí noaipáne
tihí ámi kíyatí noaipatâisê. Aihí ósetêtapíhapai-

suní autaahi ntâimpípaisuní sâuntatâasê namoyaatipí
taahipípaarangimatipí noaipápe untatâasê. Aihí
síyatí kâihí asísihá kápihá sánausotâisê.

24-25 Aihí Autaahaatíhó sântâasê kóhasipíhó
áinsihipípa yamanyipípa akwiraníhó yotipíhó nkimu-
nyâinsipípa noaipáne tihí kíyatí noaipatâisê.
Iyatí kápa áhaimpípa namoyaatatí taahipípa noaipá-
tâisê.

1:29-30 2:9 Iyatí Autaahaatíhó nantápa káháti-
matípetíhapá nsihí áhaimpípa sápa kóhasipíhó
nkimunyâinsipípauní ísihiyauní nantaatiwí áhiya-
tâisê.

1:26-2:25 Píwíhá Kimâ Autaahaatíhó Utâahoái Kíyatí
Áhaisíhaapíháare

1:26-27 (a) Autaahaatíhó yainkwinaanamâtiyáhó.
utâahoái kâitaanô tá wohoaisuní apópaatisuní
kíyatâisê.

(a) Matyu 19:4 Mak 10:6

2

(a) Autaahaatíhó yápipatí netí namasatí wofoái kiyatí múmwaangí iposihí utâahó máarisatí áko-yatâisê. Aihí Autaahaatíhó kóái Atâamihonyê untá ampíhuntutâasê. Aihí Autaahaatíhó osaataatí utâahó kâisíhoái áhiwisatâisê. Aihí waapíhâatí waatí yápipatí Ítênihantaahapí noaatí osaataatíhírâ notâisê.

(b) Iyataatí ípatí witi nsínsapihi mpimítaatíwíhatí osaataatí ótíhapihí áhentâisê. Ípatí sâtamí yântípihó ísihiyá usa nanawaawáahi kíya namáapwí-taatíwíhâte. Iyataatí ípatí wítisankí ámi nkwin-yaitaatíwíhantapíhatí áhentâisê. Aihí Autaahaatíhó Atâamihoái kâuntatâasê osaataatí nsaapí mpimê. Nsaapí mpintapaapí ípatí taahipátamí yântípihó nanapáahantí kântí ípatí nkwin-yaitaatíwí-hantapíhatamí yântípihó nantípi namáanimê. Ó yântípihó kô nantípi nanapaapáahi nkaahaiwaapuní máipíhaiwaapuní nkwin-yaitâisê. Isí sô yântípihó nantípi namáanimê nanapaapáahi napwítainí.

Autaahaatíhó kóhasípíhó naasápíhó nahataapá yápipataahí namasá nsíhurá kâimpípa nesí nasatí

(a) 1 Korin 15:45 (b) Re. 2:7 Re. 22:2,14

Atâamihóai nunyatâisê. Numwihí Atâamihó ampípa
nusoasatâisê. Aihí Autaahaatíhó sântâasê Atâamihó
sawahohitítantí sânti mâipê. Aisí nini kôpí
apópaatí waati káwitaanô. Kâati kóoi kíyausepaatí
apwáataatimatítantô ntâasê.

Autahaatíhó Atâamihó wáati nanômaitantíhantí
káwihí kô wáati nanômasihí tausântíhirí náasairihí
napatâisê. Napatosatí nsapihi nisapuwatâisê. Iyatí
tausântíhirí kírâ apópaatí kíyatâisê. Aihí Atâamihó
nepasihíhuraarí Autahaatíhó apópaatí kôpí niwumwaasí
nasatâisê.

Niwumwaasí napihí Atâamihó kâatí wínsataatí
káuntatâasê kinyi nisí ampipatamí noaipapíháange.
Isí Autahaatíhó nisí tausântíhirá napatí káhihí-
haangísí nini ampípa apópaanyê hitítí nohaasatâayô
untatâasê. (a) Autahaatíhó wohomí ampipatá
apópaatí kíyahaatítihí sântapí wohoaisamí apópaatisamí
saníyá sapiyái namasí namaatamaamáahi kásanyuramí
ampipatí náasaipítítítante. Aihí Autahaatíhó
kápuri sátá káuntatâasê manyínyái namoyaitaátíme.

(a) Matyu 19:5 Mak 10:7-8 1 Korin 6:16 Efesas 5:31

Aimí káhápaamipípa mpaimí nsaamí mpimaamíse
untatâasê.

Kásanyuri somaahisásanyuritamáahantí kânti
máwítantíhantí awétisê. Aihí Autaahaatíhó áhaimpípa
káhápaamipípa ímonataatí nkaatihí nkaarê ntâasê.
Aihí sâiwa sívatí kâihí asísíhá wa sánausotâisê.

kâintíhantapí ikínatâisê. Ikínataatí asísihá kimâ
onaahíhaatáne tatí áhiyatâisê.

3:1-24 Píwíhá Kimâ Atâamiyí Éwáaya Ipoti Mâipihantí
Kâisíhaapíhaare

3 1-7 (a) Akwiraníhó nsaipípaisáhó nasatâisê.

Nasatí apópaatí sâuntatâasê Autaahaatíhó sain-
saasankí kásatatâasô ípatí taahipátamí yântipíhó
nantímí namaanimíse satatâasô untatí nunsesihí
apópaatí akwiraníhoái sátá kauntatâasê yainsaangí
ípatamí yântipíhó nanaháahantí kânti ótíhaatíhatamí
yântipíhopí Autaahaatíhó yainsaanyankí napwítaisí
nantímí namáanimí namumahátimíse nyatatâasê unta-
tâasê. Untihí akwiraníhó kâatí sátá kâuntatâasê
sainsaahí wintí namáapwítâisê. Nehí nkaahaiwá
mâipíhaiwá nkwínyaamaamí nisamâtetítâisô tá Autaaha-
atíhó kô âimi nkwínyáahóre untatâasê. Untihíhuraarí
apópaatí nainkaatí imonataatí kâatí yântipíhó
nantaahiwísáhó áhotihí nantatí nanatâisê. Nanatí
waarihoái numwihí kô netí nanatâisê. Aihí súraaníhí

(a) Re. 12:9 Re.20:2

kásanyuri mâipihaiwaapuni nkaahaiwaapuni nkwinyyaa-
mâisê. Aimí kásanyuri somaahipípuritamaamí ámi
nkwinyyaamâisê. Aihí ípatamí isâahá nasipapí nasamí
niyomâisê.

8-21 Asíhataáhurá Autaahaatíhó osaataatí
ntâihíhuraarí Atâamihóaisamí apwáataatisamí kómí
kiríhirúpá atísamaamí ípataatihí numwí noatihí
Autaahaatíhó Atâamihopí sátá nkântâasê Atâamihonyê
kinyi máahapíhí mpintapaisê tá nkântâasê. Nkaatihí
Atâamihó sâuntatâasê kinyi kiríhirúpá atísataatí
somaahíhoníntaatí kinyapí yaintí noaatatâayô unta-
tâasê.

Aihí Autaahaatíhó sátá kauntatâasê nti kahitihí
kinyi somaahíhongítapáape. Ípatí onaitatamí
yântípíhó nantípí nanapâinô untatí nunsenatâisê.
Nunesihí Atâamihó sátá kâuntatâasê apópaatí kimâati
kiwahongí naníminkaamâatí ípatí onaahipatamí
yântípíhó nanímihí nanataatô untatâasê. Untihí
Autaahaatíhó apópaatí sâuntatâasê kinyi sântí
nápaapí kiyapaisê untatâasê. (a) Aihí apópaatí

(a) 2 Korin 11:3 1 Timoti 2:14

wihoangi sâuntatâasê akwiranihó nsaiwintihí nantití nanatâyô untatâasê. Untihí Autaahaatihó akwiranihoái sátá kâuntatâasê kinyi sânti nsaiwuntinkitihantapí yápipataapihí kinyi nkwisihaihoaangi ikaaripitipí kônginihí ntaitáape. (a) Isí nini kinyihiyaisuní apópaatamihiyaisisuní kásisanihí kíyaatinihí tunawaatítaapô. Aimpí kinyi nkotí tiwisamihí kíya nkí wáati tíhiwítáapô untatâasê. Untatosá apópaatí sátá kâuntatâasê kinyi akwiranihomí piwihá atíwimpí kiyapaini máahá namwítaapíhurá áwaintihantí yáasihantí nankoaipáitaisê. Aimpí kinyi kiwíhopimatonihí pihítipí nkwinyaasamihí kiwihó nkí nkinsaatí mpimítaisê untatâasê. (b) Untatosá Atâamihóái Autaahaatihó sátá kâuntatâasê kinyi kiwaamaatamí piwihá atíwimpí ípatí onaitatamí yântipihó nanapainí nantápaapí otípipatí kâimpí niyaamasamihí anípihó nawahonihí nauripí wáati kiyapaapáahi nantápa ímontáape. Aimpí kinyi sâimpí kâimpí mpimaamí numpípi napopáahurá yápipatí káhihipatí kâtaatihí nsihara yápmatítáape untatâasê. Untatosá

(a) Re. 12:17 (b) Híbru 6:8

naasápihomí atítatí átihaisháhatí nausohaatí
kásanyurí niwipaataâisê. Aihí Atâamihó apwáataatapí
kimâati ísihiyá títaahiyihiyá nahatiyaamí sanaatí
sáihaatimatítantíhaatisô tá Éwâahangê untá
ampíhuntutâasê.

22-24 Aihí Atâamiyí Éwáayá âimi mâipihaiwaapuní
níkaahaiwaapuní nkwínyaamâisê. (a) Nkwínyaasihí
Autaahaatíhó santâasê kásanyurí ípatí nsínsapihi
mpimitaatíwíhatí nanamaamí nsínsapihi mpimitaisô
ntâasê. Mpimitaisô tatí kásanyurí nehíhaatematâisê.
Nehíhaatemasihí kásanyurí osaataatí níkaahaatí namasí
nomâisê. Naihí Autaahaatíhó otípipatíhó yámíhapataa-
tíhí mpimisíhoái osaataatí sâatamí mánkirainí
áhiwisatâisê. Iyatí ámi naihírí sisíhaisáhirí
áhiyatâisê.

Published 1977

Printed by the S.I.L. Printing Department
Ukarumpa, E.H.P., Papua New Guinea

National Library of Australia
Card Number and ISBN 0 86893 051 2